

外科啟玄也

橘芬堂

申斗垣校正外科啓玄卷之七

癰

癰



是足少陽膽經多氣少血延及陽明胃經多氣多血
因氣鬱厚味而生曰風熱拓引變換須分虛實虛則
難治實則易治婦人多此作寒熱之類俱以立効散
瓜蒌散相間服効更宜灸之斷慾茹淡妙

裏 臙 瘡



此瘡在裏臙骨上是足厥陰肝經多血少氣如生于
蠡濟中都二穴上下皆因濕毒或因打撲抓磕虫犬
破傷日久不愈亦由沾陰致令黑肉瘀血腐壞流水
不止治法在後

外 臙 瘡



此瘡在外臙骨上是足陽明胃經多氣多血或上下
臙二穴乃濕毒之所生也年月深遠久占房事致令
瘡黑腐臭如骨不腐可治內服補中解毒外以艾火
次以藥上之自愈方見後

人面瘡



此瘡似人面有口鼻眼二種多生肘膝一種活者能
食口眼能動一種死者口眼俱不能動此皆怪異之
瘡出自天譴冤業之所作當自省察以謝之後治方

瘡

風

血



此瘡多在兩小腿裏外膝上至膝下至踝骨乃血受
風邪而生也多痒抓破出黃水成瘡况內有虫延及
十數未遇良方故不能取効也方在後勿以尋常比
之

馬 刀 瘡



是手足少陽二經中皆多氣少血初則結硬如石或
肩下及缺盆穴未破時動之無根或生兩脇已流膿
水或生身後下須至肩上以救苦化堅湯治之若不
早治延挨日久氣血衰敗豈不傷生乎

杖

瘡



受刑被責非氣不足及榮氣不從之所作也乃因罪
所罰也叫號傷氣忍痛傷血亦有血奔心而死者皆
人之壯弱罪之輕重所致宜破血調中大補為妙亦
有棒毒因血凝滯也

禿 瘡



是足太陽膀胱督脉二
受濕熱生虫作痒瘡痂高
堆是也沾風則起白屑
也治宜消風除濕殺虫
膏塗之甚効

魚 臍 瘡



生于肘肚者是手少陰心經多氣少血少海靈道止
是也生于小腿肚者是足太陽膀胱經多血少氣承
山飛揚二穴上下是也又名魚臍疔最痛宜托表加
引經藥亦先灸妙

陰包毒



此是足厥陰肝經風熱之毒其經多血少氣最痛宜
內托黃芪柴胡湯亦能治腫內近股或瘰或疽或癰
等瘡如神未潰卽散已潰卽瘡外宜敷貼之藥更妙

燕窩瘡 羊鬍瘡 瘡

燕窩瘡

羊鬍瘡




腦後項窩有瘡名曰燕窩瘡是足太陽兼督脉經乃
 濕熱所生也下唇下巴骨有瘡名曰羊鬍瘡是任脉
 經濕熱所生也在承漿穴地閣邊宜除濕清熱之藥
 摻之方見于後

胎毒瘡 癰瘡 眉瘡

在腹胎之中其母過食五辛酒肉厚味遺毒于胎則生子故有是瘡宜清熱消風祛毒之劑治之外宜搽藥仍忌發物及母慾乳不然恐難愈也



肺風瘡鼻瘡



鼻乃肺之竅因肺氣不清受風而生或冷水洗面以致熱血凝結于面所有宜清肺消風活血藥治之外上搽藥消之方在後

粉花瘡邊裙瘡



婦女面生窠瘻作痒名曰粉花瘡乃肺受風熱或絞
面感風致生粉刺蓋受溫熱也內外足踝骨生瘡名
曰裙邊瘡是受裙邊風所致又治不痊蓋因不潔房
事故也方見于後

臍毒痔瘡漏瘡



谷道生疽曰臍毒最痛初則內疎次則內托排膿潰
後慎房事戒厚味氣怒若不謹守恐生漏毒亦有喪
生者黑者難治

痔瘡多種形狀不一故列二十四症圖于左當分輕

重治之可也

歌曰

痔症分三八憑君仔細看真教年遠見言之不一般
菱角形之怪蓮花不可觀穿腸并鼠妳酒色兩相干
休道蓮花結蜂窩亦不寬雌雄同氣血子母一般上
最苦懸珠者鈎腸痛似攢核桃與流氣見者亦心散
栗子于中大雞心在外安珊瑚形可惡脫取最爲難
內痔渾無出擔腸裡外盤垂珠更易治日久是雞冠
切莫經刀火令君性命殘成金鑿自易戒忌守無難
吾人除怪毒此藥卽靈再用功不半月痔漏總皆安